



Partisipantes iha Forum

Portu Baia Tibar

Iha 30 Setembru 2022, Portu Baia foun Tibar funsiona. Operador mak Timor Port S.A. (TPSA), fasilidade ida ne'e sei ajuda ita atu prosesa barak tan ita nia importasaun no esportasaun ho efikasias liu. Ho apoiu husi comunidade dezenvolvimentu internasional, ami halo esbosu prosedimentu importasaun foun ne'ebe ami nia Komisariu ofisialmente aprova ona. Posibilidade Portu Dili agora dadaun taka permanente, laiha funsionariu Alfândega ka ajensia governu nian seluk ne'ebe sei hala'o kontrolu ruma iha odamatan sai portu nian. Maibe, kontrolu ikus hirak ne'e sei prosesa no kompleta husi TPSA.

Nune'e mos ba fornese seguransa no protesaun ho nivel a'as, prosesu ida ne'e sei ajuda hodi prevene demorasaun ne'ebe la neserariu, ne'ebe ita sempre haré iha odamatan sai, iha portu Dili. Ida ne'e sei ajuda hodi poupa comunidade emprezarial nia tempu no osan no meius ne'ebe ami foka liu kona-ba koko atu identifika sasan ilegal no sasan ne'ebe la deklarara.

Ita bele asesu no download kopia husi prosedimentu foun ida ne'e, iha Inglés no Tetum liu husi vizita ami nia website: www.customs.gov.tl

Forum Internasional

Hamutuk ho Ministeriu komersiu no Industria, ami partisipa iha Forum Fasilitasaun Komersiu Azia Pasifiku badala 10.

Reprezentante husi nasaun 100 liu atende forum ida ne'e ho objetivu atu simplifika no harmoniza transportasaun, komersiu, no



Portu Baia Tibar

regulamentu Alfândega nian no estabese sistema koordinadu tranzitu transportasaun ne'ebe efektivu, efikasias, integradu, no inovativu, dezeńu dijital avansadu ba fasilitasaun komersiu global. Téma husi forum ne'e mak "Fasilitasaun Komersiu ba Dezenvolvimentu Sustentavel Jerasaun Tuir Mai."

Ami nafatin iha komitmentu atu servisu ho ami nia parseiru sira husi tipu forum hirak ne'e atu nune'e ami bele hola parte hodi halo prosesu sira sai efikasias liu no ajuda Timor-Leste hetan asesu ba merkadu global.

Kollesaun Reseitas sa'e ba porsentu 44

Durante periodu Januariu to'o Agustu tinan ida ne'e, ami ajuda governu kolleta \$58,989,617 husi taxa no impostu. Ida ne'e reprezenta kresimentu porsentu 44 kompara ho periodu hanesan iha 2021.

Kresimentu ida ne'e sujere katak komersiu aumenta wainhira ita kontinua rekopera husi impaktu COVID-19 no merkadu mundial ne'ebe mos lao neneik.

Koñesimentu kona-ba Risku

Parseiru ho USAID/Timor-Leste nia Atividade Governasaun Komersiu, ami fornese formasaun kona-ba jestaun risku ba membru funsionariu 88. Formasaun ida ne'e sei ajuda ami nia funsionariu sira atu komprende diak saida mak risku no oinsa risku ne'e aplika. Nune'e mos ajuda ami atu asegura katak ami bele fasilita komersiu lejitim, kumpri ba regra hirak ne'e signifika katak ami kumpri ba konvensaun internasional ne'ebe importante mak hanesan Organizaun Mundial Komersiu, Akordu Fasilitasaun Komersiu no akordu ASEAN nian kona-ba Akordu ba Sasan.

Ami mos fornese formasaun ba representante nain 17 husi ajensia governu nian seluk, ONG no setór privadu.

Karik ita hanoin ita ka ita nia organizasaun hetan benefisius husi tipu formasaun ida ne'e, favor bele fo hatene ami no ami hakarak atu fornese formasaun tan iha futuru!